



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 408
fax. +387 33 726 423
e – mail: info@voda.ba

Broj: **UP-1/21-2-40-451-4/24**

Datum: **14.11.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica GPD "Drina" d.d. Goražde u postupku izdavanja vodne saglasnosti za aktivnost vađenje materijala iz korita rijeke Drine na lokalitetu „Cvilin“, Foča-Ustikolina, na osnovu člana 139. stav (1) tačka 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

RJEŠENJE **o vodnoj saglasnosti**

1. Pravnom licu, GPD „Drina“ d.d. Goražde, daje se vodna saglasnost za aktivnost vađenje materijala iz rijeke Drine prema tehničkoj dokumentaciji:
„Elaborat vađenja bujičnog riječnog nanosa iz korita rijeke Drine“ na lokalitetu „Cvilin“, Foča-Ustikolina, urađen od strane „SENDO“ d.o.o. Sarajevo, novembar 2024. godine,
a u cilju ostvarivanja prava na vađenje materijala, u približnoj količini od cca 1522 m³, koji obuhvata dio zemljišne čestice označene kao k.č. broj 3898/1 K.O. Cvilin, na prostoru Federacije BiH, Ustikolina, dodijeljenog Ugovorom broj: 30-274-26/24 od 08.08.2024. godine.
2. Vodna saglasnost izdaje se na određeno vrijeme i prestaje važiti 31.12.2024. godine, a sve u skladu sa članom 9. stav (2) Ugovora broj: 30-274-26/24 od 08.08.2024. godine zaključenog između «Agencije za vodno područje rijeke Save» Sarajevo i pravnog lica GPD „Drina“ d.d. Goražde.
3. Ova vodna saglasnost se odnosi isključivo na aktivnosti obrađene kroz elaborat naveden u tački 1. Rješenja.
4. Vodna saglasnost se donosi na osnovu utvrđenog činjeničnog stanja i dostavljene tehničke dokumentacije iz tačke 1. ovog dispozitiva, a koja čini sastavni dio ovog Rješenja i ista se, ovjerena u skladu sa odredbama člana 114. stav (3) Zakona o vodama od strane ove Agencije, vraća podnosiocu zahtjeva na trajno čuvanje.
5. Vodna saglasnost se daje pod slijedećim uslovima koje treba ispuniti u toku i nakon izvođenja radova na predmetnom lokalitetu:
 - 5.1. Da se uklanjanje materijala iz korita rijeke Drine, lokalitet „Cvilin“, Foča-Ustikolina, vrši u svemu prema ovjerenom Elaboratu iz tačke 1. ovog dispozitiva, uslovima iz ove vodne saglasnosti i odredbama Ugovora, broj: 30-274-26/24 od 08.08.2024. godine sklopljenim sa Agencijom.
 - 5.2. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa izvađenog materijala, a za što je odgovoran izvođač radova i nadzorni organ imenovan od strane Agencije.
 - 5.3. Ukupna količina materijala (cca 1522 m³), koja je obuhvaćena ovom vodnom saglasnošću, mora obavezno da se izvadi do 31.12.2024. godine.
 - 5.4. Korisnik je dužan da uredno vodi dnevnik rada sa tačno definisanim lokalitetom iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 5.5. Korisnik je obavezan u roku od 15 dana od dana prijema ovog vodnog akta dostaviti vremenski plan vršenja radova na vađenju materijala u skladu sa tačkom 3.1. Rješenja o prethodnoj vodnoj saglasnosti UP-1/21-1-40-344-3/24 od 23.07.2024. godine, a o datumu početka radova pismeno obavijestiti ugovorni organ radi uvođenja u ugovorene radove, a sve u skladu sa članom 12. Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
 - 5.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl., a građevinsku mehanizaciju, skladište tečnih goriva i maziva smjestiti izvan nivoa velikih voda rijeke Drine.
 - 5.7. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda rijeke Drine, a u skladu sa važećim propisima o postupanju sa otpadom.

- 5.8. Izvođač radova je obavezan svakodnevno voditi evidenciju vađenja materijala sa tačnim količinama izvađenog materijala, a na obrascu građevinskog dnevnika u skladu sa Uredbom o uređenju gradilišta, obaveznoj dokumentaciji na gradilištu i učesnicima u građenju („Službene novine FBiH“, broj 99/14).
- 5.9. Namjeravano vađenje materijala treba da se vrši u skladu sa dokumentom Saglasnost za vađenje materijala iz vodotoka rijeke Drine na lokalitetu nizvodno od mosta u Ustikolini, općina Foča u FBiH, izdatog od strane Sportskog ribolovnog društva „USTIKOLINA“ od 20.08.2024. godine i prema uslovima koje je propisao korisnik ribolovnog prava na ribolovnom području na kome se provode navedene aktivnosti.
- 5.10. Korisnik vodne saglasnosti je u obavezi da obezbijedi stručno lice geodetske struke sa osnovnim zadatkom kontinuiranog praćenja tačnosti kota i geometrije korita na terenu prilikom izvođenja radova u odnosu na podatke date u projektu, kao i količina koje se u toku dana izvade.
- 5.11. Zagate, napere i pomoćne objekte i zahvate u koritu koji prilikom vađenja materijala iz korita služe za lakše izvođenje određenih radova, izvesti na način da isti što manje ugrožavaju proticajni profil rijeke Drine, a nakon završetka radova iste je potrebno ukloniti i korito, obale i okolni teren dovesti u prvobitno stanje. Zabranjeno je privremeno i trajno deponovanje materijala na mjestu vađenja, te je isti nakon kratkog procjeđivanja potrebno odvoziti na planiranu deponiju.
- 5.12. Materijal iz korita koji nema upotrebnu vrijednost (mulj, jalovina, rastinje, krupno kamenje, zemlja i sl.), a koji se u postupku vađenja materijala u cilju obezbjeđenja proticajnog profila uklanjanja, potrebno je propisno zbrinuti izvan inundacionog pojasa rijeke Drine.
- 5.13. U toku izvođenja radova na vađenju materijala izvođač radova je dužan održavati u ispravnom stanju pristupnu saobraćajnicu prema zahtjevima posjednika parcele na kojoj će se nalaziti pristupna saobraćajnica i nakon završetka radova obavezan je da teren i korištenu pristupnu saobraćajnicu dovede u prvobitno stanje.
- 5.14. Po završetku vađenja materijala, isteka vodne saglasnosti ili raskida Ugovora, korisnik vodne saglasnosti je dužan uraditi kontrolni elaborat izvađenih količina materijala iz korita, tj. izvršiti kontrolno geodetsko snimanje poprečnih profila u skladu sa izdanom vodnom saglasnosti, a dokumentaciju o izvršenom kontrolnom snimanju sa bilansom masa se dostavlja AVP Sava kao ugovornom organu, u pisanom obliku i na magnetnom mediju.
- 5.15. Vađenje materijala vršiti isključivo prema snimljenom uzdužnom i poprečnim profilima počevši od nizvodnog profila i gurajući materijal u trakama, odgovarajućom mehanizacijom, buldozerom ili bagerom – rovokopačem.
- 5.16. Transport i manipulacija se vrši samo sa prethodno prirodno ocijedenim materijalom zbog mogućnosti prljanja i kvašenja saobraćajnice na koji se navedeni lokalitet priključuje.
6. Korisnik vodne saglasnosti dužan je «Agenciji za vodno područje rijeke Save» Sarajevo dostaviti sedmični izvještaj - popunjen i ovjeren obrazac «IMV» o izvađenim količinama materijala, a plaćanje posebne vodne naknade u visini od 1,50 KM po 1 m³ za izvađene količine materijala izvršiti na način definisan članom 4. Ugovora broj: 30-274-26/24 od 08.08.2024. godine sklopljenog sa Agencijom.
7. Osnovica za plaćanje naknade za izvađeni materijal iz vodotoka je 1 m³ izvađenog materijala iz vodotoka, bez obzira na kvalitet materijala.
8. Materijal izvađen po osnovu ove vodne saglasnosti i Ugovora sklopljenog između AVP „Sava“ i GPD „Drina“ d.d. Goražde, broj: 30-274-26/24 od 08.08.2024. godine, a za koji je od strane izvođača izvršeno plaćanje naknade iz člana 4. navedenog Ugovora, postaje vlasništvo izvođača radova.
9. Ova vodna saglasnost, ovjeren Elaborat iz tačke 1. ovog rješenja i Ugovor o vađenju materijala, sklopljen sa ovom Agencijom, moraju se nalaziti na mjestu izvođenja radova, a za što je odgovorno ovlašteno lice izvođača radova.
10. Ukoliko se prije početka kao i u toku provođenja aktivnosti na vađenju materijala na predmetnom lokalitetu utvrdi da nije moguće realizovati planirane aktivnosti zbog pristupne saobraćajnice do lokaliteta vađenja materijala, Izvođač radova je dužan riješiti imovinsko-pravne odnose sa vlasnicima i posjednicima zemljišta na zemljišnim česticama u roku koji mu propiše Agencija ili u suprotnom gubi pravo na vađenje materijala dodijeljeno ovim vodnim aktom.

11. Ukoliko se, kao posljedica radova, ošteti korito i obale rijeke Drine u zoni izvođenja radova, ili nanese štete trećim licima, sva oštećenja se moraju sanirati i štete nadoknaditi o vlastitom trošku izvođača radova.
12. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
13. Korisnik prava iz ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
14. Prava stečena po ovoj vodnoj saglasnosti ne mogu se prenositi na treća lica, a ista prestaju u skladu sa odredbama Zakona o vodama.

Obrazloženje

Pravno lice, GPD "Drina" d.d. Goražde, se pismenim zahtjevom, obratilo ovoj Agenciji tražeći izdavanje vodne saglasnosti za aktivnost vađenje materijala iz rijeke Drine prema Elaboratu „Vađenje bujičnog riječnog nanosa iz korita rijeke Drine na lokalitetu „Cvilin“, Foča-Ustikolina“, urađen od strane „SENDO“ d.o.o. Sarajevo, novembar 2024. godine, a u cilju ostvarivanja prava za vađenje materijala, na dijelovima zemljišnih čestica označenih kao k.č. broj 3898/1 K.O. Cvilin, na prostoru Federacije BiH, Ustikolina, dodijeljenog Ugovorom, broj: 30-274-26/24 od 08.08.2024. godine.

U prilogu zahtjeva podnosilac je dostavio slijedeću dokumentaciju:

- Ovjerena kopija rješenja o upisu u sudski registar;
- Ovjerena kopija uvjerenja o poreznoj registraciji od 05.07.2007. izdata od Kantonalne porezne uprave Goražde;
- Obavještenje o razvrstavanju pravnog lica prema klasifikaciji djelatnosti broj 07-32.5-50856/13 od 01.02.2013. godine;
- Ovjerena kopija Uvjerenja o registraciji obveznika poreza na dodatnu vrijednost broj 04/5-1/IV-17-1-5684-7735/05 od 25.11.2005. godine;
- Punomoć;
- Kopija Rješenja o prethodnoj vodnoj saglasnosti broj: UP-1/21-1-40-344-3/24 od 23.07.2024. godine;
- Ugovor zaključenog između AVP „Sava“ i pravnog lica GPD „Drina“ d.d. Goražde broj 30-274-26/24 od 08.08.2024. godine
- Bankovna garancija za uredno izvršenje Ugovora broj 7373;
- Saglasnost za vađenje materijala iz korita rijeke Drine izdatog od strane Sportskog ribolovnog društva „USTIKOLINA“, broj: 01/24 od 20.08.2024. godine;
- Potpisane i ovjerene izjave GPD „Drina“ d.d. Goražde, broj 08-01-265/24 od 15.08.2024. godine i 08-01-266/24 od 15.08.2024. godine, o lokaciji predviđenoj za deponovanje izvađenog materijala i o riješenim imovinsko-pravnim odnosima na trasi pristupnog puta;
- Elaborat vađenja bujičnog riječnog nanosa iz korita rijeke Drine na lokalitetu „Cvilin“, Foča-Ustikolina“, urađen od strane „SENDO“ d.o.o. Sarajevo, novembar 2024. godine
- Dokaz o uplati za upravnu pristojbu u iznosu od 60,00 KM.

U dokaznom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-1/21-1-40-344-3/24 od 23.07.2024. godine, izdate od strane Agencije za vodno područje rijeke Save, Sarajevo.

U narednom tekstu su pobrojane tačke u kojima su propisani uslovi u navedenoj PVS-a i konstatacije vezane za ispunjenje istih:

Tačka 3.1.: Za potrebe izrade ovog Elaborata urađen je:

- geodetski snimak aktuelnog stanja na lokalitetu sprudišta koje se uklanja, sa elementima iskolčenja profila;
- grafičkim priložima sa poprečnim profilima od P1 do P11 (M 1:250) urađenim na prosječnom rastojanju oko 14.5 m, uzdužnim profilom M 1:250, situacijom M 1:1000;
- radovi bi se prema tehničkom opisu vršili korištenjem standardne mehanizacije i na uobičajeni način tako što bi se u trakama uklanjao materijal iz korita vodotoka, od nizvodnog ka uzvodnom dijelu sprudišta;

- dinamički plan realizacije aktivnosti proizilazi iz člana 9. stav (2) Ugovora, tj krajnji do 31.12.2024. godine;
- prezentiran je tabelarni proračun količina materijala koji se planira izvoditi.

Tačka 3.2.: Priložena je Saglasnost za vađenje materijala iz korita rijeke Drine izdatog od strane Sportskog ribolovnog društva „USTIKOLINA“, broj: 01/24 od 20.08.2024. godine.

Tačka 3.3.: Priložena je izjava Podnosioca zahtjeva da će se izvađeni materijal direktno odvoziti na deponiju u krugu firme GPD Drina na lokalitetu Sinica br. 14 u Goraždu.

Tačka 4: Podnosilac zahtjeva je za potrebe izrade projektne dokumentacije angažirao projektnu kuću SENDO d.o.o. Sarajevo, koja posjeduje ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08).

Tačka 5: Podnosilac zahtjeva je priložio svu potrebnu dokumentaciju navedenu pod ovom tačkom PVS-a.

Na osnovu priložene dokumentacije i Elaborata, izrađenog po uvjetima datim ranije izdatom prethodnom vodnom saglasnosti, kao nesporno je ustanovljeno da na predmetnom potezu rijeke Drine, postoji sprudište koje smanjuje proticajni profil korita rijeke Drine i može imati štetan uticaj u smislu smanjenja proticajnog profila i povećanja opasnosti od plavljenja.

Na osnovu utvrđenog činjeničnog stanja i dostavljene dokumentacije ovim aktom su, tačkama 4. i 5. dispozitiva rješenja, shodno odredbama člana 114. Zakona o vodama i člana 7. i 10. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) i Uredbe o načinu dodjele prava za vađenje materijala iz vodotoka, propisani uslovi koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.inž.građ.

Po ovlaštenju
Rukovodilac sektora za izdavanje
vodnih akata



Nihad Pezo
Nihad Pezo, dipl.inž.građ.

Prilog: *Ovjeran „Elaborat vađenja bujičnog riječnog nanosa iz korita rijeke Drine“ na lokalitetu „Cvilin“, Foča-Ustikolina“, urađen od strane „SENDO“ d.o.o. Sarajevo, novembar 2024. godine*

Dostaviti:

- GPD "Drina" d.d. Goražde, ul. Sinica br. 14, 73000 Goražde (sa prilogom)
- ⊖ ISV - vodna knjiga
- AVP Sava – Sektor 50
- Oglasna ploča AVP Sava
- Arhiva-ovdje